

Na osnovu člana 81. Statuta Općine Novi Grad Sarajevo („Službene novine Kantona Sarajevo“ broj 30/09 i 2/17), člana 2. tačka 8. i člana 5. Odluke o podsticajima u poljoprivrednoj proizvodnji („Službene novine Kantona Sarajevo“, broj 14/17) i člana 2. Pravilnika o izboru hortikulturno najuređenijeg balkona, dvorišta i ulaza u stambenu zgradu broj: 02/03-24-17049/17 od 16.10.2017. godine Općinski načelnik na prijedlog Službe za privredu i lokalni ekonomski razvoj objavljuje:

## **JAVNI POZIV**

### **za izbor hortikulturno najuređenijeg balkona, dvorišta i ulaza u stambenu zgradu na području Općine Novi Grad Sarajevo**

#### **I PREDMET JAVNOG POZIVA**

Predmet Javnog poziva je izbor hortikulturno najuređenijeg balkona, dvorišta i ulaza u stambenu zgradu na području Općine Novi Grad Sarajevo u cilju stvaranja ambijenta ugodnog življenja na području Općine Novi Grad Sarajevo.

#### **II PRAVO NA UČESTVOVANJE U IZBORU**

Pravo učešća na Javnom pozivu imaju sva fizička lica koja imaju prebivalište na području Općine Novi Grad Sarajevo, te da su suvlasnici ili korisnici stambenih jedinica u okviru kojih se nalaze balkoni i bašte, koji su predmet izbora, odnosno predstavnik etažnih vlasnika zgrade kolektivnog stanovanja na području Općine Novi Grad Sarajevo za izbor najuređenijeg ulaza u stambenu zgradu (dokaz: ZK izvadak za vlasnike stambenih jedinica u okviru kojih se nalaze balkoni ili bašte koji su predmet izbora, Rješenje nadležnog organa za predstavnika etažnih vlasnika zgrade kolektivnog stanovanja ili drugi dokaz o pravu vlasništva).

#### **III KRITERIJI**

##### **A) Kriteriji za izbor hortikulturno najuređenijeg balkona:**

- Raspored i izbor vrsta na malom prostoru.....1 do 5 bodova;
- Kompozicija i sklad boja.....1 do 5 bodova;
- Pravilan izbor namještaja i umjetničkih dekoracija za balkon.....1 do 5 bodova;
- Svježina i inovativnost.....1 do 5 bodova;
- Prisustvovanje edukaciji „ Hortikulturno uređenje balkona, dvorišta i ulaza u stambene zgrade“ ..... 3 boda;

## **B) Kriteriji za izbor hortikulturno najuređenijeg dvorišta:**

- Organiziranosti i planiranje raspoloživog prostora.....1 do 5 bodova;
- Zastupljenost autohtonih biljnih vrsta pogodnih za ovaj klimatski pojas.....1 do 5 bodova;
- Vrtna dekoracija (baštenski elementi).....1 do 5 bodova;
- Urednost prostora i održavanje .....1 do 5 bodova;
- Prisustvovanje edukaciji „ Hortikulturno uređenje balkona, dvorišta i ulaza u stambene zgrade“ .....3 boda;

## **C) Kriteriji za izbor hortikulturno najuređenijeg ulaza u stambenu zgradu:**

- Uloženi trud i njegovanje biljaka, poštivanje tradicije i elemenata našeg podneblja .....1 do 5 bodova;
- Održavanje i urednost prostora.....1 do 5 bodova;
- Ukupni estetski dojam.....1 do 5 bodova;
- Svježina i inovativnost.....1 do 5 bodova;
- Prisustvovanje na edukaciji „Hortikulturno uređenje balkona, dvorišta i ulaza u stambene zgrade“ .....3 boda;

Kod izbora najuspješnijih učesnika, prednost se daje onima koji osvoje najveći broj bodova u svakoj kategoriji pojedinačno.

## **IV POTREBNA DOKUMENTACIJA**

Uz zahtjev za izbor hortikulturno najuređenijeg balkona, dvorišta i ulaza u stambenu zgradu na području Općine Novi Grad Sarajevo potrebno je priložiti dokaze o ispunjavanju uslova iz Javnog poziva kao i druge dokaze i to originale ili ovjerene fotokopije dokumenata:

### **A) Za izbor hortikulturno najuređenijeg balkona:**

#### **1) Opća dokumentacija:**

Dokaz da je vlasnik ili korisnik stambene jedinice u okviru koje se nalazi balkon :

- Zemljišnoknjižni izvadak vlasnika stambene jedinice, Kupoprodajni ugovor, Ugovor o poklonu, Sudska presuda, Ugovor o zakupu stambene jedinice sa ZK izvatkom vlasnika stambene jedinice i dr.

- Prijava o mjestu boravka

#### **2) Posebna dokumentacija**

- Certifikat o završenoj edukaciji iz oblasti hortikulturnog uređenja balkona, dvorišta i ulaza u stambene zgrade

## **B) Za izbor hortikulturno najuređenijeg dvorišta:**

### **1) Opća dokumentacija:**

Dokaz da je vlasnik ili korisnik hortikulturno uređenog dvorišta:

- Zemljišnoknjižni izvadak vlasnika zemljišta, Kupoprodajni ugovor tj. Ugovor o poklonu, Rješenje nadležnog organa ili sudska presuda, Ugovor o zakupu zemljišta sa ZK izvatkom vlasnika zemljišta i dr.

- Prijava o mjestu boravka

### **2) Posebna dokumentacija**

- Certifikat o završenoj edukaciji iz oblasti hortikulturnog uređenja balkona, dvorišta i ulaza u stambene zgrade

## **C) Za izbor hortikulturno najuređenijeg ulaza u stambenu zgradu:**

### **1) Opća dokumentacija**

- Rješenje nadležnog organa za predstavnika etažnih vlasnika zgrade kolektivnog stanovanja

### **2) Posebna dokumentacija**

- Certifikat o završenoj edukaciji iz oblasti hortikulturnog uređenja balkona, dvorišta i ulaza u stambene zgrade

### **Napomena:**

Ukoliko nadležna služba provjerama koje čini po službenoj dužnosti ustanovi da je podnosilac zahtjeva dao netačne podatke, zahtjev istog će biti odbijen.

## **V PODNOŠENJE ZAHTJEVA**

Originalni obrasci zahtjeva za izbor hortikulturno najuređenijeg balkona, dvorišta i ulaza u stambenu zgradu na području Općine Novi Grad Sarajevo mogu se preuzeti na info-punktu Općine Novi Grad Sarajevo i na web stranici Općine: [www.novigradsarajevo.ba](http://www.novigradsarajevo.ba).

Zahtjev za izbor hortikulturno najuređenijeg balkona, dvorišta i ulaza u stambenu zgradu sa pratećom dokumentacijom dostavljaju se Komisiji za izbor hortikulturno najuređenijeg balkona, dvorišta i ulaza u stambenu zgradu putem Službe za privredu i lokalni ekonomski razvoj Općine Novi Grad Sarajevo poštom preporučeno ili predajom na protokol Općine Novi Grad Sarajevo, Bulevar Meše Selimovića br. 97 Sarajevo.

Sve dodatne informacije mogu se dobiti u Službi za privredu i lokalni ekonomski razvoj Općine Novi Grad Sarajevo, soba 234, kontakt osoba: Delalić Nermina, tel. 033/291-253, email [poljoprivreda1@novigradsarajevo.ba](mailto:poljoprivreda1@novigradsarajevo.ba)

Javni poziv ostaje otvoren 15 dana od dana objavljivanja.

## **VI PROCEDURA ODABIRA KORISNIKA**

Proceduru vrednovanja i utvrđivanja rang liste za izbor hortikulturno najuređenijeg balkona, dvorišta i ulaza u stambenu zgradu na području Općine Novi Grad Sarajevo izvršiće Komisija za izbor hortikulturno najuređenijeg balkona, dvorišta i ulaza u stambenu zgradu na osnovu kriterija utvrđenih u poglavlju III ovog javnog poziva shodno Pravilniku o izboru hortikulturno najuređenijeg balkona, dvorišta i ulaza u stambenu zgradu.

Na prijedlog Komisije, Općinski načelnik donosi Odluku o izboru najuređenijeg balkona, dvorišta i ulaza u stambenu zgradu.

O rezultatima Javnog poziva nadležna služba obavještava kandidate koji u roku od 8 dana po dostavljanju obavještenja mogu izjaviti Prigovor Općinskom načelniku.

Sa izabranim kandidatima zaključit će se ugovor o isplati sredstava shodno utvrđenoj nagradi.

## **VII NAPOMENA:**

- fotokopije dokumenata moraju biti ovjerene (original predati dokumenti neće biti vraćeni),
- predata dokumentacija neće se vraćati podnosiocima zahtjeva
- nepotpuni i neblagovremeni zahtjevi neće se uzimati u razmatranje